

Waaroor gaan die Wysiging van artikel 1

Huidige Artikel 1

- Die Nederduitse Gereformeerde Kerk staan gegrond op die **Bybel as die heilige en onfeilbare Woord van God.**
- Die leer wat die Kerk in ooreenstemming met die Woord van God bely, staan uitgedruk in die **Formuliere van Eenheid** soos vasgestel op die Sinode van Dordrecht in 1618-1619, naamlik
 - die sewe en dertig artikels van die Nederlandse Geloofsbelydenis,
 - die Heidelbergse Kategismus en
 - die vyf Dordtse Leerreëls.

Voorgestelde Nuwe Artikel 1

1. Die Nederduitse Gereformeerde Kerk is gegrond op die **Bybel as die heilige en onfeilbare Woord van God.**
2. Die leer wat die Kerk in ooreenstemming met die Woord van God bely, word verwoord in
 - 2.1 die **ekumeniese belydenisse**, naamlik:
 - die Apostoliese Geloofsbelydenis (12 artikels),
 - die Geloofsbelydenis van Nicea en
 - die Geloofsbelydenis van Athanasius;

2.2 en die **Drie Formuliere van Eenheid**, naamlik:

- die Nederlandse Geloofsbelydenis,
- die Heidelbergse Kategismus en
- die Dordtse Leerreëls.

2.3 Die **Belydenis van Belhar** is deel van die belydenisgrondslag van die Kerk, op so 'n wyse dat daar ruimte is vir lidmate, ampsdraers en vergaderinge wat dit as in ooreenstemming met die Woord van God bely, sowel as vir lidmate, ampsdraers en vergaderinge wat dit nie as 'n belydenisskrif onderskryf nie.

3. Die Kerk aanvaar dat haar roeping om haar geloof te bely, altyd geld en dat 'n uitbreiding van haar belydenisgrondslag sonder dwang geskied.

**DIE PROSES GESKIED ORDELIK VOLGENS
REGLEMENT 24**

**REGLEMENT VIR DIE PROSEDURE WAT
GEMEENTES VOLG BY DIE VOORGESTELDE
WYSIGING VAN BELYDENIS**

1. Die kerkraad lê sy aanbeveling oor die voorstel van die Algemene Sinode oor die wysiging van belydenis eers aan die gemeente voor vir die instemming van die belydende lidmate.

Nadat die instemming van twee derdes van die lidmate verkry is, finaliseer die kerkraad sy besluit met tweederde-meerderheid, waarna die finale besluit weer op twee agtereenvolgende Sondae aan die gemeente vir approbasie voorgelê word.

2. Die kerkraad besluit om die instemming van die gemeente soos in 1 hierbo genoem, op een van die volgende twee wyses te verkry:

2.1 Die instemming van belydende lidmate word per **geslote stembrief** verkry tydens 'n **gemeentevergadering** wat die kerkraad met die belydende lidmate van die gemeente belê het en waarvan daar by die erediens(te) op vier (4) agtereenvolgende Sondae vooraf kennis gegee is van beide die vergaderdatum en die inhoud van die voorstel.

By hierdie vergadering is **twee waarnemers** deur die **ring** of die ring se gevolmagtigde aangewys, teenwoordig. Die voorsitter en skriba van die kerkraad tree op as voorsitter en skriba van hierdie vergadering.

2.1.1 Lidmate wat 'n **wettige verskoning** het waarom hulle nie die betrokke gemeentevergadering kan bywoon nie, kan hul stem **vooraf per geslote stembrief** uitbring. Hierdie stemme word getel nadat die stemming op die gemeentevergadering uitgebring is.

2.2 Die instemming van belydende lidmate word per geslote stembrief verkry wat persoonlik en sonder enige stemwerwing deur die kerkraad aan elke ongesensureerde belydende lidmaat van die gemeente beskikbaar gestel word. Minstens veertien (14) dae moet na ontvangs toegelaat word vir die inhandiging van die stembrief.

2.2.1 Dit is die lidmaat se verantwoordelikheid om toe te sien dat die voltooide stembrief die kerkkantoor van die gemeente voor of op die sperdatum bereik. Die stembestelling vind plaas in die teenwoordigheid van twee waarnemers deur die ring of die ring se gevolmagtigde aangewys.

3. Die tweederdemeerderheid van die gemeentese instemming word bepaal deur die getal uitgebragte stemme.

4. Die kerkraad stel deurgaans alle pogings in werking om kerkskeuring te voorkom.

**VOORBEELD VAN STEM BRIEF OP DIE
KERKRAADSVERGADERING VAN
3 FEBRUARIE 2015**

**AMPTELIK STEM BRIEF VIR KERKRAADSLEDE
Nederduitse Gereformeerde Kerk in Suid-Afrika
(Wes- en Suid-Kaapland)
NG Gemeente [LANGEBAAN]**

VRAAG

Verleen u as kerkraadslid van die gemeente u instemming met die voorstel van die Algemene Sinode vir die wysiging van Artikel 1?

[Merk met 'n kruisie (X) in die blok van u keuse]

- **JA**, ek verleen my instemming met die voorstel van die Algemene Sinode vir die wysiging van Artikel 1.
- **NEE**, ek verleen nie my instemming met die voorstel van die Algemene Sinode vir die wysiging van Artikel 1 nie.

Die uitslag van die stemming van die kerkraad op 3 Februarie 2015 dien dan as aanbeveling na die gemeente toe en word soos volg hanteer:

Die aanbeveling van die kerkraad van 3 Februarie 2015 word vir 4 Sondae aan die gemeente bekend gemaak.

8/2/15; 15/2/15; 22/2/15 en 1/3/15

Kennis word gegee van van die Gemeentevergadering van 8 Maart 2015.

**VOORBEELD VAN STEM BRIEF OP
DIE GEMEENTE VERGADERING
VAN 8 MAART 2015**

Scenario 1 – Kerkraad stem **saam met** Sinode se voorstel:

Voorbeeld van die stembrief:

Die Kerkraad het tydens 'n kerkraadsvergadering gehou op 3 Februarie 2015 besluit om die instemming van die gemeente te verkry vir die Kerkraad se voorstel dat die voorgestelde nuwe artikel 1 van die *Kerkorde* by die volgende kerkraadsvergadering GOEDGEKEUR word.

Verleen u as belydende lidmaat van die gemeente u instemming met die VOORSTEL VAN DIE KERKRAAD?

[Merk met 'n kruisie (X) in die blok van u keuse]

Gemeente stem dan:

JA, ek verleen my instemming met die VOORSTEL VAN DIE KERKRAAD dat die nuwe artikel 1 van die *Kerkorde* by die volgende kerkraadsvergadering GOEDGEKEUR WORD.

[JA, ek stem saam met die Kerkraad]

NEE, ek verleen NIE my instemming met die VOORSTEL VAN DIE KERKRAAD dat die nuwe artikel 1 van die *Kerkorde* by die volgende kerkraadsvergadering goedgekeur word NIE.

[NEE, ek verskil van die Kerkraad]

Scenario 2 – Kerkraad stem **nie** **saam met Sinode se voorstel nie:**

Voorbeeld van die stembrief:

Die Kerkraad het tydens 'n kerkraadsvergadering gehou op 3 Februarie 2015 besluit om die instemming van die gemeente te verkry vir die Kerkraad se voorstel dat die voorgestelde nuwe artikel 1 van die *Kerkorde* by die volgende kerkraadsvergadering **NIE GOEDGEKEUR word NIE.**

Verleen u as belydende lidmaat van die gemeente u instemming met die VOORSTEL VAN DIE KERKRAAD?

[Merk met 'n kruisie (X) in die blok van u keuse]

Gemeente stem dan:

JA, ek verleen my instemming met die VOORSTEL VAN DIE KERKRAAD dat die nuwe artikel 1 van die *Kerkorde* by die volgende kerkraadsvergadering

NIE GOEDGEKEUR WORD NIE.

[JA, ek stem saam met die Kerkraad]

NEE, ek verleen NIE my instemming met die VOORSTEL VAN DIE KERKRAAD dat die nuwe artikel 1 van die *Kerkorde* by die volgende kerkraadsvergadering nie goedgekeur word NIE.

[NEE, ek verskil van die Kerkraad]

DIE VOLGENDE PROSEDURE IS DEUR DIE KERKRAAD GOEDGEKEUR

- Die **kerkraad** stem op Dinsdag 3 Februarie 2015 vir of teen die Sinode se aanbeveling.
- Die instemming van belydende lidmate word per geslote stembrief verkry tydens 'n **gemeentevergadering** wat die kerkraad met die belydende lidmate van die gemeente belê (Regl 24:2.1) - **8 Maart 2015**
- Die **Kerkraad stem finaal** op 'n vergadering gehou op 8 of 10 Maart 2015.
- Die besluit word op 15 en 22 Maart in die erediens **afgekondig**. (Twee Sondae)
- Die besluit word op 23 Maart 2015 **na die Ring gestuur**

Wat doen Gemeentelede nou?

- Bevestig onverwyld met die registerhouer van die gemeente dat jou **belydende lidmaatskap** hier geregistreer is!
- Win soveel moontlik **inligting** rondom die hele saak in.
- Dagboek solank Sondag die 8ste Maart se **Gemeentevergadering**, waar die stemming plaasvind

**'n PERSOONLIKE
OPROEP VANAF
Di. KOBUS EN GERT**

Hierdie stemming handel oor die kerk as geheel, en nie NG Kerk Langebaan op sy eie nie. Ons gaan nie 'n Belhar of anti Belhar gemeente word nie.

Die leraars wil steeds poog om nie die kansel en prediking te gebruik om mense te beïnvloed wat om te stem nie.

Lidmate word nogtans aangemoedig om biddend in die gesindheid van Christius aktief betrokke te wees by die proses.

Maak seker dat u bewys van lidmaatskap by die gemeente is.

U word aangemoedig om beide die leraars te kontak vir enige vrae, inhoudelik, sowel as wat die prosedure betref.

Ons as leraars het ruimte vir mekaar se standpunte, en ons bede is dat elke lidmaat in hierdie saak vrymoedigheid sal hê nie net om self 'n mening te huldig nie maar dit ook aan ander te gun.

Wanneer die proses afgehandel is moet ons steeds een gemeente wees wat voortgaan om Die Here en mekaar lief te hê en te dien.

Kom ons soek saam biddend dat die Here deurgaans in die kerk maar veral in ons gemeente geeër sal word in hierdie tyd.

**KOM DID SAAM MET ONS, NIE
NET VIR HIERDIE PROSES NIE
MAAR VIR DIE KOMS VAN DIE
HERE SE KONINKRYK IN HIERDIE
DAE.**

**WEEK VAN GEBED
25 JANUARIE en volgende dae**